



JABATAN HAL EHWAL AGAMA ISLAM PULAU PINANG

Khutbah Bulan Ogos 1443H

Tajuk:
Bersikap Ihsanlah, Wahai Insan

Tarikh dibaca:
**20 Ogos 2021M/
11 Muharram 1443H**

فرچیتقن دبیایاءى:



زكاة فولاو قینغ

نومبور تیلیفون: 04-549 8088



Bersikap Ihsanlah, Wahai Insan

(20 Ogos 2021M/ 11 Muharram 1443H)

الْحَمْدُ لِلَّهِ عَظِيمِ الشَّانِ قَدِيمِ الْإِحْسَانِ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الرَّحِيمِ الْمَنَّانُ، وَأَشْهَدُ أَنَّ مُحَمَّدًا عَبْدُ
اللَّهِ وَرَسُولُهُ الَّذِي بَعَثَهُ اللَّهُ لِلْإِنْسِ وَالْجَانِّ.
صَلَّى اللَّهُ وَسَلَّم وَبَارَكَ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ الَّذِينَ نَصَرُوهُ
فَانْتَصَرُوا عَلَى سَائِرِ الْأَدْيَانِ. أَمَا بَعْدُ؛ فَاتَّقُوا اللَّهَ، عِبَادَ اللَّهِ، فَبِالتَّقْوَى تَفُوزُوا
بِأَعَالِي الْجَنَّةِ.

Saya berpesan kepada diri saya dan menyeru kepada sidang Jumaat yang dikasihi sekalian, marilah kita semua bertaqwa kepada Allah تعالى سبحانه dengan sepenuh hati. Sesungguhnya taqwa bermaksud kita melaksanakan segala perintah Allah SWT dan menjauhi segala larangan-Nya. Dengan demikian Insya-Allah kita akan mendapat kejayaan di dunia dan di akhirat.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang

memesongkan perhatian daripada mendengar khutbah dan isi kandungannya. Ini termasuklah perbuatan berbual-berbual, tidur dengan sengaja dan bermain telefon bimbit. Pada hari ini minbar akan membicarakan khutbah bertajuk: **“Bersikap Ihsanlah, Wahai Insan.”**

Sidang Jumaat yang dimuliakan Allah,

Salah satu teras utama agama Islam adalah arahan untuk berbuat kebaikan atau bersikap ihsan dengan pelbagai bentuknya pada semua tindakan. Seperti mana firman Allah سبحانه وتعالى dalam ayat 90 surah al-Nahl;

إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَىٰ وَيَنْهَىٰ عَنِ
الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ٩٠

Maksudnya: “Sesungguhnya Allah menyuruh berlaku adil, dan berbuat kebaikan, serta memberi bantuan kepada kaum kerabat; dan melarang daripada melakukan perbuatan-perbuatan yang keji dan mungkar serta kezaliman. Ia mengajar kamu (dengan suruhan dan larangan-Nya ini), supaya kamu mengambil peringatan mematuhi-Nya.”

Ma’syara! Muslimin Rahimakumullah,

Sifat ihsan mempunyai pengertian khusus dan umum. Pengertian khusus merangkumi konsep ihsan sebagai peringkat

ubudiyyah (pengabdian diri) tertinggi seseorang hamba dengan menyerahkan keikhlasan mutlak kepada Allah سبحانه وتعالى dan melakukan amal soleh berdasarkan sunnah Nabi ﷺ. Hal ini dinyatakan dalam sebuah hadis sahih ketika Baginda ﷺ menjawab beberapa pertanyaan Malaikat Jibril عليه السلام. Antara apakah maksud al-Ihsan?. Baginda menjawab:

أَنْ تَعْبُدَ اللَّهَ كَأَنَّكَ تَرَاهُ، فَإِنْ لَمْ تَكُنْ تَرَاهُ فَإِنَّهُ يَرَاكَ

Maksudnya: “Ihsan adalah kamu menyembah Allah SWT seolah-olah kamu melihat-Nya, maka walaupun pada hakikatnya kamu tidak dapat melihat-Nya, sesungguhnya Dia dapat melihat kamu.” (رواية البخاري)

Manakala pengertian umum ihsan pula ialah berlaku baik kepada manusia, berhemah dalam setiap tindakan dalam setiap urusan dunia mahupun akhirat yang berteraskan *al-itqan* (ketekunan) dan *al-kamal* (kesempurnaan). Ihsan juga bermaksud *muamalah* atau interaksi kita dengan orang lain dengan baik dalam setiap pertuturan dan tingkahlaku kecuali dalam perkara-perkara yang ditegah oleh syarak.

Nilai keihsanan seperti inilah yang menjadi pengubat kepada pelbagai kes keganasan rumahtangga dan penderaan kanak-kanak terutamanya sepanjang PKP. Menurut laporan Harian Metro bertarikh 8 Julai 2021, statistik Polis Diraja Malaysia (PDRM) menunjukkan sebanyak 5,260 kes keganasan

rumahtangga telah dibuka kertas siasatan sepanjang Januari hingga Disember Tahun 2020. Manakala merujuk kepada statistik Talian Kasih Kementerian Pembangunan Wanita, Keluarga dan Masyarakat (KPWPM), sebanyak 2,540 kes keganasan rumahtangga telah diterima pada tempoh sama. Bagi empat bulan pertama tahun 2021, sebanyak 902 kes keganasan rumahtangga telah dilaporkan.

Bagi kes penderaan kanak-kanak, menurut Laporan Astro Awani bertarikh 9 Julai 2021, sebanyak 2,040 kes direkodkan Jabatan Kebajikan Masyarakat (JKM) bagi bulan Januari hingga April Tahun 2021. Pelaku jenayah terdiri daripada 46% ibu kandung sendiri, 9% ibu bapa tiri, 18% ahli keluarga terdekat dan 27% pengasuh dan pusat jagaan.

Kenapakah kekejaman dan kekerasan ini sanggup dilakukan oleh seorang suami, bapa, ibu ataupun pengasuh terhadap mereka yang sepatutnya dilindungi? Ini menunjukkan sifat ihsan sudah terhakis dan kes-kes yang dilaporkan itu tidak akan meningkat jika sifat mulia ini menjadi teras kehidupan.

Sidang Jumaat yang berbahagia,

Berlaku ihsanlah kita kepada sesiapa sahaja kerana Allah amat mengasihi sesiapa yang berbuat baik kepada makhluk ciptaan-Nya. Sudah tentu pihak yang lebih utama mendapat ihsan kita ialah isteri, anak-anak dan kaum keluarga kita terlebih dahulu. Daripada Ibn Abbas رَضِيَ اللهُ عَنْهُ bersabda:

خَيْرُكُمْ خَيْرُكُمْ لِأَهْلِهِ، وَأَنَا خَيْرُكُمْ لِأَهْلِي

Maksudnya: “Sebaik-baik kamu adalah (suami) yang paling baik terhadap keluarganya dan aku adalah yang paling baik terhadap keluargaku.” ﴿رواية الترمذي﴾

Selain itu berlaku ihsan juga dituntut sewaktu kita menyembelih haiwan yang sememangnya untuk dimakan. Sebuha hadis daripada Abi Ya’la Syaddad ibn ‘Aus رَضِيَ اللَّهُ عَنْهُ, Rasulullah ﷺ bersabda:

إِنَّ اللَّهَ كَتَبَ الْإِحْسَانَ عَلَى كُلِّ شَيْءٍ، فَإِذَا قَتَلْتُمْ فَأَخْسِنُوا الْقِتْلَةَ، وَإِذَا ذَبَحْتُمْ فَأَخْسِنُوا الذَّبْحَةَ، وَلِيُحَدِّ أَحَدُكُمْ شَفْرَتَهُ، وَلِيُرِخَ ذَبِيحَتَهُ.

Maksudnya: “Sesungguhnya Allah telah mewajibkan berbuat baik kepada setiap sesuatu. Apabila kamu semua hendak mematikan haiwan, matikanlah dengan cara yang terbaik. Apabila hendak menyembelih, sembelihlah dengan cara yang terbaik. Hendaklah kamu menajamkan pisau dan merehatkan sembelihannya.” ﴿رواية مسلم﴾

Malah lebih jauh lagi, Allah سبحانه وتعالى, memerintahkan Nabi ﷺ menunjukkan sikap ihsan kepada orang kafir yang menentang Baginda. Firman Allah dalam Surah al-Maidah ayat 13:

...وَلَا تَزَالُ تَطَّلِعُ عَلَى خَائِنَةٍ مِنْهُمْ إِلَّا قَلِيلًا مِنْهُمْ فَأَعْفُ عَنْهُمْ وَأَصْفَحْ إِنَّ اللَّهَ يُحِبُّ الْمُحْسِنِينَ ١٣

Maksudnya: *“Dan engkau (wahai Muhammad) sentiasa dapat melihat perbuatan khianat yang mereka lakukan, kecuali sedikit dari mereka (yang tidak berlaku khianat). Oleh itu, maafkanlah mereka (jika mereka sedia bertaubat) dan janganlah dihiraukan, kerana sesungguhnya Allah suka kepada orang-orang yang berusaha supaya baik amalannya.”*

Semoga kita mendapat rahmat dan keampunan daripada Allah سبحانه وتعالى atas sifat ihsan kita kepada orang terdekat termasuk jiran sekeliling.

Sidang Jumaat yang Berbahagia,

Mengakhiri khutbah, mimbar ingin berpesan kepada kita semua agar mengamalkan sikap Ihsan dengan melakukan perkara-perkara berikut:

Pertama: Melayani kedua ibu bapa, anak-anak, isteri dan kaum kerabat dengan baik. Sayangilah mereka kerana mereka adalah tanggungjawab yang dibebankan syarak ke atas kita.

Kedua: Bertasamuh atau berlapang dada serta bertolak ansur dengan orang lain kerana setiap kita tidak sunyi dari kesalahan.

Ketiga: Melakukan apa sahaja perkara makruf yang menggembirakan orang ramai berdekatan kita di kawasan kejiranan, tempat kerja dan pusat kegiatan sosial kerana keamanan adalah asa kehidupan, bukannya kebencian.

Keempat: Memberikan sumbangan, sedekah dan bantuan dalam pelbagai bentuk kepada sesiapa sahaja termasuk bukan Islam yang hidup bersama kita. Hidup kita saling bergantung antara satu sama lain.

Kelima: Jika berniaga, pastikan mempunyai rasa kasihan kepada para pelanggan dengan tidak mengambil kesempatan di atas hajat mereka. Bantulah mereka dengan menawarkan harga yang munasabah dengan produk jualan yang berkualiti. Pelanggan sumber kekayaan kita.

Keenam: Jika memimpin, pastikan berlaku adil dengan melaksanakan tanggungjawab dengan sempurna dan tidak mengkhianati amanah rakyat.

Demikian antara pelaksanaan sifat ihsan yang sekiranya diabaikan, boleh menyebabkan kita berlaku zalim kepada ibu bapa, anak, isteri, keluarga, masyarakat, rakyat dan negara Malaysia tercinta ini.

Adakah kita bersedia menjawab di hadapan Allah atas kezaliman yang dilakukan?

أَعُوذُ بِاللَّهِ مِنَ الشَّيْطَانِ الرَّجِيمِ
وَلَا تَحْسَبَنَّ اللَّهَ غَفْلًا عَمَّا يَعْمَلُ الظَّالِمُونَ إِنَّمَا يُؤَخِّرُهُمْ لِيَوْمٍ تَشْخَصُ
فِيهِ الْأَبْصَارُ ٢ ٤

مقصودن: ”دان جاڳنله اڱاڪو (واهاي محمد) مياڱڪ الله
لالاي اڪن اف يڱ دلاڪوڪن اوليه اورڱ ۲ يڱ ظاليم;
سسوڱڪوهن دي هان ملامبتڪن بالسن مريڪ هيڱڪ ڪسواتو
هاري يڱ قدن تربلياق ڪاڪو ڦمنداڱن مريڪ، (ڪران ڪرون ڪمنتر
مليهت ڪاداءن يڱ برلاڪو).“ ﴿سورة إبراهيم، ايات 42﴾

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ
الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ
الْعَلِيمُ. أَقُولُ قَوْلِي هَذَا وَاسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ
الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَيَا فَوْزَ
الْمُسْتَغْفِرِينَ وَيَا نَجَاةَ التَّائِبِينَ.



خطبة ڪدوا بولن اوڪوس 2021

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ، وَعَلَى
آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ
وَرَسُولُهُ.

أَمَّا بَعْدُ! فَيَا عِبَادَ اللَّهِ، اتَّقُوا اللَّهَ حَقَّ تُقَاتِهِ وَاعْلَمُوا أَنَّ اللَّهَ أَمَرَكُم بِأَمْرِ عَظِيمٍ،
أَمَرَكُم بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، قَالَ اللَّهُ تَعَالَى:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا
٥٦

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ،
كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ
مَجِيدٌ.

وَارْضَ اللَّهُمَّ عَنِ الْخُلَفَاءِ الرَّاشِدِينَ وَعَنْ بَقِيَّةِ الصَّحَابَةِ أَجْمَعِينَ، وَعَنِ التَّابِعِينَ
وَتَابِعِي التَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ وَارْضَ عَنَّا مَعَهُمْ يَا أَكْرَمَ
الْأَكْرَمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا وَأَصْلِحْ أَيْمَتَنَا وَوُلَاةَ أُمُورِنَا وَاشْمَلِ اللَّهُمَّ بِعِنَايَتِكَ وَتَوْفِيقِكَ
عَلَى مَلِكِنَا، كِبَاوَهُ دَوْلِي يَغِيهَا مَوْلِيَا سَرِي قَادُوكِ بَاكِينِدَا يَغِي دَفَرْتَوَانِ اكَوْغِ ك-انم
بلس، اَلْسُلْطَانُ عَبْدُ اللَّهِ رِعَايَةُ الدِّينِ اَلْمُصْطَفَى بِاللَّهِ شَاهِ ابْنِ الْمَرْحُومِ سُلْطَانِ

حاج أَحْمَدُ شَاهِ الْمُسْتَعِينِ بِاللَّهِ، وكذلك تَوَانِ يَغْ تَرَاوَتَمَا تَوْنِ دَاتُوْ سَرِي اوتَامِ أَحْمَدِ فُوزِي بنِ حَاجِ عَبْدِ الرَّزَاقِ، يَغْ دَفَرْتُوا نَكْرِي قُولَاوْ قِينْغْ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ، مَا ظَهَرَ مِنْهَا وَمَا بَطَنَ، عَن بَلَدِنَا هَذَا خَاصَّةً، وَعَنْ بُلْدَانِ الْمُسْلِمِينَ عَامَّةً، إِنَّكَ عَلَى كُلِّ شَيْءٍ قَدِيرٌ.

اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

يا الله دغن صفة مو يغ مها قموره دان مها مندغرا! كامي همبامو يغ لمه مرايو كقدامو اكر اغكاو اغكت دان هيلغكن سكرنا وابق قپاكيت Covid-19 يغ سدغ ملندا كامي اكر دافت كامي ملقسانكن شِعَارْمُو دغن سمفورنا.

يا الله جاديكنله كامي دان كتورونن كامي اورغ ۲ يغ إِسْتِقَامَةً منديريكن صلاة سچارا برجماعه سرتا مغلواركن زكاة دان ملقسناكن وَقَفْ. رحمتيله كهيدوقن مريك. سسوغكوهش هاش كقدمو جوا يا الله، دعاء كامي موهون دفركنن دان دتريما.

عِبَادَ اللَّهِ، رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ ۲۰۱

إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ۹۰

فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ، وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.